

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-627/17
Sarajevo, 30.3.2017. godine

Z A P I S N I K

20. sjednice Doma naroda Parlamenta Federacije Bosne i Hercegovine, održane 30. marta 2017. godine

Sjednica je počela u 13:05 nakon završetka 19. sjednice.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice, predsjedavajuća je pozdravila prisutne.

Izostanak sa sjednice opravdali su: Ana Babić, Mladen Lonić, Željko Mirković, Emir Frašto i Lejla Didik Sarajlić.

Na osnovu evidencije Stručne službe, predsjedavajuća je konstatovala da sjednici prisustvuje 47 delegata, što čini većinu pa Dom naroda može raditi i punovažno odlučivati.

Predsjedavajuća je podsjetila delegate da, na osnovu člana 104. Poslovnika o radu Doma naroda, mogu postavljati delegatska pitanja i pokretati inicijative ili izraziti nezaodovoljstvo dobijenim ili nedobijenim odgovorima.

Delegatska pitanja i inicijative

Drago Puzigaća je postavio pitanje Federalnom ministarstvu poljoprivrede, vodoprivrede i šumarstva zašto nije održana javna rasprava u Kantonu 10 o Nacrtu zakona o šumama, iako je bila zakazana za 28. februar. Zatražio je pisani odgovor.

Tomislav Mandić je postavio pitanje direktoru JP Autoceste Federacije BiH, premijeru Federacije, resornom ministru i Nadzornom odboru JP Autoceste Federacije BiH u vezi odgovornosti za poništenje konkursa za projekte izgradnje autoceste kroz Hercegovinu. Zatražio je pokretanje interne revizije i utvrđivanje odgovornosti za ove postupke. Zatražio je i da Nadzorni odbor JP Autocesta Federacije BiH provede kontrolu zakonitosti rada bivše i sadašnje uprave ovog preduzeća u podgledu ovih događaja. Upitao je i zašto se javnost obmanjuje izjavama da je Evropska investicijska banka inicijator poništenja konkursa kada

je to učinjeno na prijedlog JP Autoceste Federacije BiH. Na kraju izlaganja, zatražio je od Uprave ovog preduzeća prezentaciju mjera koje Autoceste namjeravaju provesti radi pravednog provođenja svih konkursa prema procedurama Evropske investicijske banke.

Mirvet Beganović je pokrenuo inicijativu i postavio dva pitanja.

Pokrenuo je inicijativu da Vlada Federacije i Federalno ministarstvo rada i socijalne politike formiraju Radnu grupu za izradu Zakona o humanitarnoj pomoći na području Federacije BiH.

Prvo pitanje postavio je Vladi Federacije, resornom ministarstvu i Federalnom ministarstvu poljoprivrede, vodoprivrede i šumarstva u vezi prodaje tvornice stočne hrane Agrokomerc d.d. Velika Kladuša strateškom partneru.

Drugo pitanje postavio je Federalnom ministarstvu finansija i Federalnom ministarstvu poljoprivrede, vodoprivrede i šumarstva u vezi iznosa novca koji je naplaćen kroz izvršne postupke.

Rasim Kantarević postavio je dva pitanja.

Prvo pitanje postavio je Federalnoj upravi za inspekcijske poslove u vezi poduzimanja neophodnih mjera radi zaštite zdravlja ljudi od utjecaja štetnog djelovanja otpadnog građevinskog materijala i staklene vune na ostacima bivših poslovnih objekata Agrokomerca koje je Vlada Federacije pretvorila u opasne deponije štetne po zdravlje. Zatražio je pisani odgovor.

Drugo pitanje postavio je Vladi Federacije u vezi davanja u zakup hotelsko-turističkog kompleksa Stari Grad Velika Kladuša. Zatražio je pisani odgovor i dostavu svih ugovora o zakupima ovog kompleksa od 1996. godine do danas.

Damir Jukić postavio je pitanje Javnom servisu Radio - televizije Federacije BiH koje se odnosi na broj utuženih pretplatnika po opštinama u Federaciji BiH o dosad presuđenim iznosima sa zasebno navedenim sudskim i advokatskim troškovima; spisak tuženih pretplatnika sa područja Općine Žepče i Općine Usora od kojih je dobio najviše pritužbi na sudske postupke koji se vode sa Javnim servisom putem advokata. Zatražio je podatke o dosad presuđenim iznosima sa zasebno navedenim sudskim i advokatskim troškovima zbog toga što ovi troškovi u odnosu na dug prema Javnom servisu stvaraju višestruko veći iznos za naplatu duga. Zatražio je i odgovor na pitanje na osnovu čega se, kao dokaz o neplaćanju RTV takse, može navesti izvod iz poslovne knjige Javnog servisa, iako te obaveze nisu nastale na osnovu izdanih računa i bez prethodno sklopljenih ugovora sa pretplatnicima.

Josip Mioč postavio je pitanje federalnom ministru pravde i predsjedniku Vrhovnog suda Federacije u vezi nacionalne strukture zaposlenih na rukovodećim pozicijama u sudskoj policiji Federacije BiH. Zatražio je informaciju o nacionalnoj strukturi rukovodećih službenika sudske policije u kantonima u Federaciji BiH.

Anes Osmanović upitao je zašto je zatvoren Ured predsjednika Federacije BiH u Odžaku i pokrenuo je inicijativu za njegovo ponovno otvaranje.

Segmedina Srna Bajramović postavila je pitanje i pokrenula inicijativu.

Zatražila je informaciju od Vlade Federacije o broju, cijeni i tipu kupljenih vozila za potrebe ministarstava i drugih institucija u Federaciji BiH, od početka mandatnog perioda do danas, i upitala je koliko vozila se planira kupiti u 2017. godini. Zatražila je i podatke o institucijama koje su kupile vozila.

Pokrenula je inicijativu da Vlada i Parlament Federacije osiguraju transparentno objavljivanje svih primanja savjetnika, delegata, zastupnika, ministara na web stranicama Vlade i Parlamenta Federacije BiH. Zatražila je i da se na web stranici Parlamenta Federacije objavljuju primanja članova menadžmenta svih institucija u kojima Parlament vrši imenovanje, a da se na web stranici Vlade Federacije objavljuju primanja članova menadžmenta javnih kompanija i ustanova u kojima Vlada Federacije vrši imenovanje.

Aner Žuljević pokrenuo je dvije inicijative.

Prva inicijativa se odnosi na stavljanje van snage Odluke o načinu, odnosno metodi privatizacije državnog kapitala u privrednom društvu Sarajevo osiguranje d.d. Sarajevo.

Druga inicijativa se odnosi na izmjene odgovarajućih propisa u cilju javne objave popisa poreznih obveznika – poslodavaca koji prema dostupnim podacima ne isplaćuju plate.

Mile Marčeta postavio je pitanje Federalnom ministarstvu prometa i komunikacija, JP Autoceste Federacije BiH i JP Ceste Federacije BiH u vezi asfaltiranja puteva na području Kantona 10, a posebno na području Glamoča i Drvara. Predložio je da Dom naroda formira komisiju koja bi obišla ovaj prostor i predložila mjere za poboljšanje stanja. Zatražio je pisani odgovor u vezi učinjenog na pitanju povratka na ova područja.

Edin Forto postavio je pitanje sekretaru Doma naroda - Koje su posljedice za nedostavljanje odgovora na postavljena pitanja i pokrenute inicijative te koji je rok za dostavljanje odgovora?

Sekretar Doma naroda, Izmir Hadživdić, odgovorio je na ovo pitanje.

Admir Hadžipašić zatražio je informaciju od Porezne uprave Federacije i Federalne uprave za inspekcijske poslove, o broju inspekcijskih pregleda po kantonima i opštinama u toku 2016. godine i o broju prekršajnih naloga koji su izrečeni privrednim subjektima po kantonima i opštinama.

Vesna Saradžić pokrenula je inicijativu da Vlada Federacije i Federalna uprava civilne zaštite poduzmu preventivne mjere zaštite od požara.

Nakon postavljenih pitanja i pokrenutih inicijativa Dom naroda utvrdio je dnevni red.

Predsjedavajuća je obavijestila delegate da Kolegij Doma naroda predlaže da se sa dnevog reda skinu: Prijedlog zakona o penzijskom i invalidskom osiguranju - hitni postupak, Prijedlog zakona o izmjenama i dopunama Zakona o radu - skraćeni postupak, Prijedlog zakona o izmjenama i dopunama zakona o izvršenju krivičnih sankcija u Federaciji BiH i Izvještaj revizije učinka na temu: „Određene mjere iz Federalnog plana upravljanja otpadom nisu implementirane u zadatim rokovima“, što su delegati Doma naroda i prihvatili.

Edim Fejzić predložio je da se u dnevni red uvrsti Deklaracija o podršci zahtjevima sa Bosansko - podrinjskog kantona Goražde za prolazak putne komunikacije koja će povezivati Sarajevo i Beograd kroz područje Bosansko - podrinjskog kantona Goražde. Predsjedavajuća je predložila da se ova deklaracija razmatra na narednoj sjednici Doma naroda što su delegati prihvatili.

Predsjedavajuća je, zatim, stavila na glasanje i, na osnovu rezultata glasanja, konstatovala da je Dom naroda Parlamenta Federacije BiH, sa 39 glasova za, tri glasa protiv i jednim uzdržanim glasom, usvojio sljedeći

DNEVNI RED

1. Prijedlog zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine,
2. Prijedlog zakona o razvojnom planiranju i upravljanju razvojem u Federaciji Bosne i Hercegovine,
3. Prijedlog zakona o Gradu Cazin,
4. Prijedlog zakona o Gradu Goražde,
5. Prijedlog zakona o Gradu Livno,
6. Nacrt zakona o boračkim udruženjima od posebnog društvenog značaja (predlagač: Ismet Osmanović, poslanik u Predstavničkom domu Parlamenta Federacije Bosne i Hercegovine),
7. Nacrt Programa rada Doma naroda Parlamenta Federacije Bosne i Hercegovine za 2017. godinu,
8. Odluka o izdvajanju sredstava u Fond solidarnosti Federacije Bosne i Hercegovine za 2017. godinu,
9. Izvještaj o radu Vlade Federacije Bosne i Hercegovine za 2016. godinu,
10. Izvještaj o odobravanju izdvajanja sredstava iz Tekuće rezerve Budžeta Federacije BiH za 2016. godinu,
11. Godišnji finansijski izvještaji Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine za period 1.1. - 31.12.2016. godine.

- 1. Prijedlog zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine**

Prijedlog zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine utvrdila je Vlada Federacije.

Predstavnički dom Parlamenta Federacije BiH na 14. sjednici od 14. decembra 2016. godine usvojio je Prijedlog zakona o izmjenama Zakona o finansijskoj konsolidaciji rudnika uglja u Federaciji BiH prema obračunatim, a neuplaćenim javnim prihodima u periodu od 2009. do 2015. godine u tekstu kako ga je predložila Vlada Federacije.

Prijedlog zakona razmatrala su nadležna radna tijela Doma naroda i dostavila svoje izvještaje.

Nije bilo potrebe da predstavnik Vlade Federacije obrazloži prijedlog zakona.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno, sa 42 glasa za, usvojio Prijedlog zakona o izmjenama Zakona o finansijskoj konsolidaciji rudnika uglja u Federaciji BiH prema obračunatim, a neuplaćenim javnim prihodima u periodu od 2009. do 2015. godine.

2. Prijedlog zakona o razvojnom planiranju i upravljanju razvojem u Federaciji Bosne i Hercegovine

Prijedlog zakona o razvojnom planiranju i upravljanju razvojem u Federaciji BiH utvrdila je Vlada Federacije.

Predstavnički dom Parlamenta Federacije BiH na 19. sjednici od 14. marta 2017. godine usvojio je Prijedlog zakona o razvojnom planiranju i upravljanju razvojem u Federaciji BiH u tekstu kako ga je predložila Vlada Federacije.

Prijedlog zakona razmatrala su nadležna radna tijela Doma naroda i dostavila svoje izvještaje.

Nije bilo potrebe da predstavnik Vlade Federacije obrazloži prijedlog zakona.

Izvještaj Komisije za jezička pitanja sa primjedbama obrazložila je Vesna Saradžić, predsjednica Komisije.

Primjedbe Komisije za jezička pitanja prihvatio je federalni ministar pravde, Mato Jozić.

Nije bilo rasprave.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno, sa 39 glasova za, usvojio Prijedlog zakona o razvojnom planiranju i upravljanju razvojem u Federaciji BiH.

3. Prijedlog zakona o Gradu Cazin

Prijedlog zakona o Gradu Cazin utvrdila je Vlada Federacije.

Predstavnički dom Parlamenta Federacije BiH na 19. sjednici od 14. marta 2017. godine usvojio je Prijedlog zakona o Gradu Cazin u tekstu kako ga je predložila Vlada Federacije.

Prijedlog zakona razmatrala su nadležna radna tijela Doma naroda i dostavila svoje izvještaje.

Nije bilo potrebe da predstavnik Vlade Federacije obrazloži prijedlog zakona.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno, sa 39 glasova za, usvojio Prijedlog zakona o Gradu Cazin.

4. Prijedlog zakona o Gradu Goražde

Prijedlog zakona o Gradu Goražde utvrdila je Vlada Federacije.

Predstavnički dom Parlamenta Federacije BiH na 19. sjednici od 14. marta 2017. godine usvojio je Prijedlog zakona o Gradu Goražde u tekstu kako ga je predložila Vlada Federacije.

Prijedlog zakona razmatrala su nadležna radna tijela Doma naroda i dostavila svoje izvještaje.

Nije bilo potrebe da predstavnik Vlade Federacije obrazloži prijedlog zakona.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno, sa 35 glasova za, usvojio Prijedlog zakona o Gradu Goražde.

5. Prijedlog zakona o Gradu Livno

Prijedlog zakona o Gradu Livno utvrdila je Vlada Federacije.

Predstavnički dom Parlamenta Federacije BiH na 19. sjednici od 14. marta 2017. godine usvojio je Prijedlog zakona o Gradu Livno u tekstu kako ga je predložila Vlada Federacije.

Prijedlog zakona razmatrala su nadležna radna tijela Doma naroda i dostavila svoje izvještaje.

Nije bilo potrebe da predstavnik Vlade Federacije obrazloži prijedlog zakona.

Nije bilo rasprave.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno, sa 39 glasova za, usvojio Prijedlog zakona o Gradu Livno.

6. Nacrt zakona o boračkim udruženjima od posebnog društvenog značaja (predlagač: Ismet Osmanović, poslanik u Predstavničkom domu Parlamenta Federacije Bosne i Hercegovine)

Nacrt zakona o boračkim udruženjima od posebnog društvenog značaja predložio je, i u parlamentarnu proceduru dostavio, Ismet Osmanović, poslanik u Predstavničkom domu Parlamenta Federacije BiH.

Predstavnički dom Parlamenta Federacije BiH na 16. sjednici od 24. januara 2017. godine razmatrao je Nacrt zakona o boračkim udruženjima od posebnog društvenog značaja i Zaključkom ga prihvatio.

Nacrt zakona razmatrala su nadležna radna tijela Doma naroda i dostavila svoje izvještaje.

Predsjedavajuća je obavijestila delegate da je Ismet Osmanović ovlastio federalnog ministra za pitanja boraca i invalida odbrambeno-oslobodilačkog rata, Salku Bukvarevića, da obrazloži Nacrt zakona.

Delegati Doma naroda smatrali su da nema potrebe da predstavnik Vlade Federacije obrazloži Nacrt zakona.

U raspravi su učestvovali: Edin Forto, Ivo Tadić, Rasim Kantarević, predsjednik Kluba delegata srpskog naroda, Slaviša Šućur, Mirvet Beganović, predsjednik Kluba delegata bošnjačkog naroda, Osman Ćatić, federalni ministar za pitanja boraca i invalida odbrambeno - oslobodilačkog rata, Salko Bukvarević i Anes Osmanović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH sa 33 glasa za, šest protiv i sedam uzdržanih, usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o boračkim udruženjima od posebnog društvenog

značaja i smatra da može poslužiti kao osnov za izradu Prijedloga zakona.

2. Zadužuje se predlagač da zajedno sa Federalnim ministarstvom za pitanja boraca i invalida odbrambeno - oslobodilačkog rata organizuje i provede javnu raspravu u trajanju od 60 dana u kantonima i sa svim zainteresovanim grupama.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici kao i one u javnoj raspravi.

7. Nacrt Programa rada Doma naroda Parlamenta Federacije BiH za 2017. godinu

Nacrt Programa rada utvrdio je Kolegij Doma naroda.

U ime Kolegija, Nacrt Programa rada Doma naroda Parlamenta Federacije BiH za 2017. godinu obrazložili su predsjedavajuća Doma naroda, Lidija Bradara i potpredsjedavajući Doma naroda, Jasenko Tufekčić.

Predsjedavajuća je, zatim, otvorila raspravu u kojoj je učestvovao Mile Marčeta, delegat u Domu naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, jednoglasno, sa 41 glasom za, usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine prihvata Nacrt Programa rada Doma naroda Parlamenta Federacije Bosne i Hercegovine za 2017. godinu i smatra da može poslužiti kao osnov za izradu Prijedloga Programa rada Doma naroda Parlamenta Federacije Bosne i Hercegovine za 2017. godinu.
2. Zadužuje se Kolegij Doma naroda Parlamenta Federacije Bosne i Hercegovine da prilikom izrade Prijedloga Programa rada Doma naroda Parlamenta Federacije Bosne i Hercegovine za 2017. godinu, ima u vidu primjedbe, prijedloge i sugestije iznesene na sjednici Doma naroda, primjedbe dostavljene u pisanoj formi, kao i one koje budu dostavljene do izrade Prijedloga Programa rada.

8. Odluka o izdvajanju sredstava u Fond solidarnosti Federacije Bosne i Hercegovine za 2017. godinu

Odluku je utvrdila Vlada Federacije i dostavila radi obavještenja.

Odluku su razmatrala nadležna radna tijela čije ste izvještaje dobili.

U raspravi nije niko učestvovao.

Budući da je Odluka dostavljena radi obavještanja, predsjedavajuća je konstatovala da je Dom naroda Parlamenta Federacije BiH primio k znanju Odluku o izdvajanju sredstava u Fond solidarnosti Federacije BiH za 2017. godinu.

9. Izvještaj o radu Vlade Federacije BiH za 2016. godinu

Izvještaj o radu dostavila je Vlada Federacije radi razmatranja.

Vlada Federacije je naknadno dostavila dopis kojim iz parlamentarne procedure **povlači** Izvještaj o radu Vlade Federacije BiH za 2016. godinu. Istim dopisom dostavila je **dopunjeni** Izvještaj o radu Vlade Federacije BiH za 2016. godinu koji je dostavljen delegatima.

Izvještaj su razmatrala nadležna radna tijela i dostavila svoje izvještaje.

Aner Žuljević zatražio je da mu se pojasni koji je materijal na dnevnom redu sjednice i upitao da li može dopunjeni Izvještaj o radu Vlade Federacije BiH za 2016. godinu biti razmatran na današnjoj sjednici, s obzirom na poslovničke rokove i procedure.

Predsjedavajuća je izjavila da je dopunjeni Izvještaj o radu Vlade Federacije BiH za 2016. godinu, u 99,5 % sadržaja identičan Izvještaju Vlade koji nije podržao Predstavnički dom ali se složila sa konstatacijom Anera Žuljevića, te pozvala predlagača da se izjasni u vezi ove situacije.

Vesko Drljača, zamjenik premijera Federacije, u ime Vlade Federacije, skinuo je s dnevnog reda Izvještaj o radu Vlade Federacije BiH za 2016. godine, zbog poslovničkih rokova u vezi dostavljanja materijala u proceduru.

Predsjedavajuća je izjavila da će ovaj izvještaj biti razmatran na narednoj sjednici Doma naroda.

10. Izvještaj o odobravanju izdvajanja sredstava iz Tekuće rezerve Budžeta Federacije BiH za 2016. godinu

Vlada Federacije dostavila je ovaj izvještaj Domu naroda radi razmatranja i usvajanja.

Izvještaj su razmatrala nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za, četiri uzdržana i sedam protiv, usvojio Izvještaj o odobravanju izdvajanja sredstava iz Tekuće rezerve Budžeta Federacije BiH za 2016. godinu.

Budući da je delegat Aner Žuljević izrazio sumnju u rezultate glasanja, u skladu sa članom 113. Poslovnika o radu Doma naroda, sekretar Doma naroda, Izmir Hadživić, izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajuća je konstatovala da je Dom naroda Parlamenta Federacije BiH, sa 31 glasom za, devet protiv i četiri uzdržana, usvojio Izvještaj o odobravanju izdvajanja sredstava iz Tekuće rezerve Budžeta Federacije BiH za 2016. godinu.

11. Godišnji finansijski izvještaji Federalnog fonda za pomoć nastradalim područjima od prirodne nesreće na teritoriji Federacije Bosne i Hercegovine za period 1.1. - 31.12.2016. godine

Federalni fond za pomoć nastradalim područjima od prirodne nesreće na teritoriji Federacije BiH, dostavio je Godišnji finansijski izvještaj za period 1.1. - 31.12.2016. godine Parlamentu Federacije radi prihvatanja.

Godišnji finansijski izvještaj Federalnog fonda razmatrala su nadležna radna tijela i dostavila svoje izvještaje.

Budući da predstavnik predlagača nije prisustvovao sjednici Doma naroda, predsjedavajuća je skinula s dnevnog reda sjednice godišnje finansijske izvještaje Federalnog fonda za pomoć nastradalim područjima od prirodne nesreće na teritoriji Federacije BiH za period 1.1. - 31.12.2016. godine.

Sjednica je završena u 14:52.

Transkript sjednice čini sastavni dio Zapisnika.

SEKRETAR

Izmir Hadživić

PREDSJEDAVAJUĆA

Lidija Bradara